

PAKUNU KA MASHINAITSHENANUT 2015

Utaimunuaua ínnuat, muk^u ua ishińniht

Shashish, eka tapue **mishta-shashish!** Eshk^u apu ut inniuiak^u **tshinanu**, shash anite tapanat innuat itakanuat, ute assit. Tanite ma anite ututeuakupanat, tan itashikupanat nananat **ushkat** ka takushiniht ? Mamitshetutekupanat, ute **tshitassinat** tekushiniht anitshenat innuat, eshk^u apu auennua ute tanikueni, muk^u kanapua nipisha, mishtikua kie aeshisha tanikupani. Minuashinikupan tshitshue. Uinuau umenu utassiuau !

Tekushiniht ute, ekue katipan/tatipan ituteht, passe niate mamit ituteuat, passe **natimit** kie anite ashit tshiuetinit, mishue anite assinu **natamuat** tshe apiht nuash umenu anutshish. Ait ishinnuat, ait ishi-aimuat, muk^u **eshk^u** nishtutatuat aimitutau. Nutim ume eshpitashkamakat tshitassinu *Canada* ka ishinikatakanit tauat innuat, **tshikanishinuat** anitshenat tshipa tshi itakanuat.

Kassinu anitshenat ait ishi-aimuat. Kutuasht-tatunnu tshipa itatina aimuna, innuat nenua utaimunuaua, ute *Canada*-assit ka taht mate/pate : *Ojibwé, Cris, Atikamekw, Mohawk, Nisga'a, Dakota...* eshk^u mitshena kutaka. Muk^u, shash apu aimananuti passe, **mitatenitakuan** tapue.

Ekute anite tekuak tshitaimunnu tshinanu innuat, *innu-montagnais* ishi-nishtuapatakanu. Peikunnu/kutunnu-tatutshishemitashumitannu ashu peikushteu-

tatutshishemitannu ashu kutuasht-tatunnu ashu patetat tshitashinan eshk^u ennu-aimiak^u, tshimitshetissinan. Tshipa minuau etatu mitshetuiak^u, tshetshi eshk^u **minekash** inniuiamakak innu-aimun.

Apu ut mashinataikanit ushkat **aimun**. Kauapikueshiht kanapua ushkat **mashinataimupanat**, natu-tshissenitamupanat eshi-pimipannit aimunnu tshetshi tshishkutamatishuht, tshetshi aimiaht nenua ua tutuaht tshetshi aiamianiti.

Anutshish minuau ne meshinataikanit **tshitaimunnu**, tekuaki aimun-mashinaikana, uitamatsheu-mashinaikana kie kutaka ka tshitapatakaniti mashinaikana. Tshuenutishinan eshk^u kenuenitamak^u tshitaimunnu **aianishkat** ka pet ashu-minikauiak^u.

LISTE DES MOTS MANQUANTS

- | | |
|----------------------|-----------------------|
| 1- mishta-shashish | 9- mitatenitakuan |
| 2- tshinanu | 10- minekash |
| 3- ushkat | 11- aimun |
| 4- tshitassinat | 12- mashinataimupanat |
| 5- natimit | 13- Anutshish |
| 6- natamuat | 14- tshitaimunnu |
| 7- eshk ^u | 15- aianishkat |
| 8- tshikanishinuat | |